

in die vze mijnre doet en verdinghe
 my voer in lieue kint. en brenghē
 my totter ewigher vrouden Amen.

Wijr mede gruetet dat hil. cruce.

Wes ghegruet o gloriose en
 suuerlike cruce **W**es ghe
 gruet o leuendichmaken
 de cruce want in dy heft ghehāge
 onse hope en salich^t en leuen **W**es
 ghegruet o hillichmakende cruce.
 want an dy is ghenaghelt onse
 glorie en hillichmakinghe **W**es
 ghegruet o onuerwilike cruce want
 vermids dy is toe niete ghemaket
 dat wrede iuck des duuēlschen die
 stes **W**es ghegruet o hoghe cruce.
 want vermids dy syn wy op ghe
 steghen totten stoel des vaders **W**es
 ghegruet o wonderlike cruce want
 myt enen claren lichte schijnstu ou
 al die werlt **W**es ghegruet o onspre
 kelike cruce dat alint anghebeden